





CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JAN 20 1940

名勝志卷之十二

閩中曹學佺能始著

寧夏衛

屬陝西都司

秦屬上郡漢分置朔方武帝元朔二年遣將軍衛
青李息出雲中歷高闕遂至符離收河南地置朔
方郡按地理志朔方理三封屬并州郡王莽曰渠
搜是矣漢晉以來常爲關中之根柢後爲赫連勃
勃所據嘗自謂夏后氏之苗裔因僭稱大夏蒸沙
以築其城名統萬城以一統天下臨萬國爲義故
立此名至後魏孝武滅之置統萬鎮孝文太和初

哈佛大學
圖書館
藏

改置夏州後周復改懷遠郡隋開皇間郡廢設懷
遠縣隸靈州唐中和初跋拔思恭討黃巢有功賜
姓李鎮夏州世有其地宋真宗景德時其五世孫
德明款塞內附假以本道節制始自夏州遷于懷
遠卽今之鎮城也元爲寧夏路 國初設府洪武
九年編諸戎籍增置前後左右中屯凡六其有靈
州千戶所則沿後魏靈州之名也興武營守禦千
戶所則沿宋興州之名也○赫連京都頌云背名
山而面洪流左河津而右重塞朔方風俗記云漢
武帝攘却夷狄開邊置郡多徙關中貧民或報怨

犯法者以充徭之其習俗頗殊地廣人稀逐水草
畜牧以兵馬爲務酒醴之會上下通焉○按今五
衛 國初曾徙其民于關陝城內一空及置衛仍
召五方之人實之其城周廻十八里東西倍于南
北元末寇賊侵擾遂棄其西之半我正統間生齒
日繁復修築之所謂新城是也○水經注云統萬
城蒸土加功色白而堅雉堞雖久崇墉若新城南
門曰朝宋北門曰平朔東門曰招魏西門曰服涼
其子城在羅城東門曰鳳陽本有三門夷人多尚
東故東向開城內有真珠樓通天樓皆勃勃時建

唐羅隱詩百尺高臺勃勃州大刀長戟漢諸侯○
李益登夏州城賦得六州胡兒歌註云六州者魯
州麗州含州塞州依州梁州也唐高宗時置以唐
人爲刺史謂之六胡州○一統志云賀蘭山在城
西六十里丹崖翠壁巍峻鉅麗盤踞數州山上多
青白草遙望如駿馬北人呼駿馬爲賀蘭故名鮮
卑之類多依山山谷爲氏族今賀蘭姓者亦以依此
山也趙元昊宮在賀蘭之東阻河爲固宮垣尚存
元昊死其子諒祚立仁宗皇佑元年十月契丹伐
夏獲諒祚之母于賀蘭以歸卽此山矣○峽口山

在城西南百四十里注水經以兩山相對河出其
間卽上河峽也俗謂之青山又謂之大石山○黃
河西自靈州故懷遠縣界流入黑水奢延水從東
來注之黑水出故朔方縣平地當契吳山之麓古
夏州城在黑水南有廢址俗呼爲忻都城○奢延
水一名朔方水亦曰無定河源出朔方縣南卽漢
李陵失利處○黃河在城東南四十里遶城爲漢
延渠有官橋覆之西南爲康渠賀蘭橋覆之又南
有新渠紅花渠秦家渠漢伯渠俱分河水溉田數
萬餘頃其所溢而爲湖城北曰金波曰三塔日月

湖東南則曰巽湖距城西百里有曰觀音湖乃賀
 蘭山大水口也○契吳山在衛城北七十里赫連
 勃勃嘗遊契吳山而歎曰美哉斯阜臨廣澤而帶
 清流吾行地多矣自馬嶺以南大河以北未有若
 斯之壯麗者因築城曰吳城隋置白城鎮旋廢○
 保靜城在衛西南八十里漢築乃舊薄骨律鎮倉
 城也後魏立弘靜鎮徙關東人以克屯圍隋立為
 縣有典農城在其內註水經曰河水逕弘靜縣典
 農城東世謂之胡城河水又北逕上河城東世謂
 之漢城薛瓚以上河在西河富平縣也昔馮參為

上河典農都尉治所○靈武營在城北百里漢置
 渾遠都尉理所水經云河水又東北逕渾懷鄯西
 是也後魏太和初三齊平徙歷下人居此遂有歷
 城之名後周因置歷城郡旋廢唐武德初移舊靈
 武縣來治肅宗卽位靈武故此處矣城東南有常
 州千戶所舊屬靈武郡地宋張舜民詩有青銅峽
 裏常州路之句 國初慶藩分封所居洪武辛巳
 始遷寧夏城中尚留群牧千戶所一云○省鬼山
 在衛東比百四十里有省鬼城材
 ○金積山
 在城南二百里山多積土日照之其色如金東麓

陝西各勝志卷之十一
有泉自地湧出三尺許如湧湯狀清冽可飲過四
十里爲蠡山層巒疊翠其狀如蠡故名有泉曰富
泉又東北有小蠡山又有狼山其山多狼鹿山其
山多鹿麥塌山形如積麥琥八山譯言駁雜俱在
東西南界○鎮遠關在衛平虜城北八十里爲夏
州要衝總制王瓊因築花馬池城遂廢此關虜患
彌迫論者嘗言之

寧夏中衛

領千戶所五

後魏靈州漢北地之富平縣也水經曰河水又北
逕富平縣故城西註云秦置北地都尉治河水又

北逕薄骨律鎮城沿河渚隨水上下未嘗陷沒故
曰靈州後周宣政二年破陳將吳明徹遷其人於
此因有江南之風崇禮好學習俗相化人謂之塞
北江南唐呂溫詩山橫舊秦塞河遶古靈州常蟾
詩賀蘭山下果園城塞北江南舊有名○金石錄
云唐靈州都督李琳碑上撰人姓名殘缺杜混元
八分書天寶三載二月○寰宇記云太山在河
北連亘彌遠故名隱山以多雲霧常若隱沒又有
警山時遇警急此山輒鳴又有石樓山山形似樓
甚爲奇峻水經謂河水東過石樓山是矣○沙山

在城西五十里因沙所積日久成山米鉢山在城南七十里下有米鉢寺石空山在城東七十里有洞曰石空洞其寺爲石空寺無名氏題詩云疊嶂玲瓏竦石空誰開蘭若碧雲中僧閒夜夜燃燈坐遙見青山一滴紅○蒲塘在衛城北四十里塘中多產蒲草故名又有中渠白渠羚羊渠棗園渠七星渠自漢已來有之東西分繞屯營灌溉資焉○唐書大曆十三年虜酋馬重英以四萬騎寇靈州塞御史尚書光祿等渠其後都督長史李聽仍開導之○黃河在衛西南自靖虜衛來分流入正河

東北流注衛城衛城西二十里有龍潭水東北二十五里有馬槽湖水入焉其大河西北有山曰啓刺八山河南有山曰雪山冷山皆近平涼蘭州界○郡國志云鳴沙城北枕黃河人馬行沙上有聲異于常沙故曰鳴沙隋置縣屬環州按志卽後周之會州唐咸亨之安樂州大中之威州也元於此立沙州尋廢距衛城東南百五十里○溫池故城在衛治東南唐神龍間置縣取溫池水爲名周三里產鹽漢書以青鹽澤在朔方縣南是矣今鹽池大小有二大鹽池在北界地名三山兒小鹽池

在鹽州西北其鹽皆不假人力自然凝結○人物
傳漢傳燮傳亮南北朝傳昭琰繹俱靈州人家世
博綜善文辭時人目爲學府○宋洪邁容齋三筆
云西夏曩霄之叛其謀皆出葦州士人張元昊昊
而其事本末國史不書比得田畫承君集紀其事
云張元昊昊及姚嗣宗皆關中人負氣倜儻有縱
橫才與友善常薄遊塞上觀視山川風俗有經畧
西鄙之意姚題詩崆峒山寺壁云南粵干戈未息
肩五原金鼓又轟天崆峒山叟笑無語獨聽松聲
春晝眠又有踏破賀蘭石掃清西海塵之句張爲

鸚鵡詩卒章曰好着金籠收拾取莫教飛去別人
家吳亦有詩將謁韓范二帥耻自屈不肯往乃礮
大石刻詩其上使壯夫拽之於通衢三人從而哭
之欲以鼓動二帥旣而召相見躊躇未果用間張
吳徑走西夏公以急騎追之不及乃表姚入幕府
張吳旣至夏國夏人倚爲謀主以抗朝廷連兵十
餘年西方至爲疲敝皆此二人爲之時二人家屬
羈縻隨州間使諜者矯中國詔釋之人未有知者
後乃聞西人臨境作樂迎此二家而去其深秘大
都類此○自警編云康定間元昊寇邊韓魏公領

陝西各州志 卷之十一
西路招討駐延安忽夜有人携匕首至卧内遽塞
幃帳魏公坐問誰何曰某來殺諫議又曰誰遣汝
來曰張相公遣某來盖是時張元夏國正用事也
魏公復就枕曰汝携予首去其人曰不忍願得諫
議金帶足矣遂取帶而出明日魏公亦不治此事
俄有守陴卒報城櫓上得金帶者命納之時范純
佑在延安謂公曰不治此事爲得體盖行之則沮
國威今然受其帶亦墮賊計中矣魏公握其手再
三歎服曰非琦所及也○九邊輯畧云寧夏城後
倚賀蘭山爲固前拒黃河爲險東起大塩池抵延

定邊西至石空寺抵固原盧塘界邊長一千八
百里內有秦漢唐舊渠引水灌田設屯田都司主
其事黃河入中國多爲患而該鎮獨受其利故有
險固饒沃之稱 國初虜遠遁北患在河西自入
套以來患始在河東夏秋間率用渾脫浮渡擾我
耕牧嚴冬之時踏冰碎入乘我不備甚至取道賀
蘭山後往來莊涼間一捷徑也惟花馬池號爲咽
喉每歲防秋督臣移駐于此河東河西兩備兵畫
河分布勢若常山之蛇首尾相應而中衛切近賀
蘭山向苦山後之虜自松山恢復循索橋而上直

陝西各縣志 卷之二十一
接鎮番築牆固守虜患較前稍差然黠酋銀定負
隅耽耽之勢猶未已也曩者撫臣党馨以苛刻失
士心劉東陽哮拜乘機煽之率衆鼓噪戕殺鎮撫
擬城以叛勾引套虜與我爲難莫可誰何督臣葉
夢熊召集南北官兵費金錢數百萬攻圍逾年竟
不能克城中食盡乞降賊始就縛然而地方生靈
受其荼毒多矣任邊陲之責者可爲殷鑒云說者
謂朔方風氣異宜鎮城砂水反背以故叛逆輒作
趙元昊終宋之世負固不服 國朝正德末年度
府宗室寘鐠妄意大物指誅劉瑾爲名稱兵犯闕

嘉靖間有靈州之變不數十年又有哮拜之變固
山川氣運使然抑亦人事之不臧與○河以東城
堡衛六十一處內橫城堡興武營花池與榆林定
遠等營接境套虜切盡黃台吉部落約二萬餘逾
河面西則犯寧夏取道賀蘭卽達莊浪出花馬池
南下固原環慶皆受其害○河以西域堡營衛共
七處內平虜城三面受敵西北各關皆當虜衝東
當套虜浮河之擾冬深雖有凍墻不能遏禦且黑
山營鎮遠關在平虜之北陷沒未復鎮城肩背尤
薄○中衛左聯寧夏右通莊浪賀蘭山雖稱天險

陝西通志卷之十一
然通城隘口甚多自鎮關墩至勝金關九十餘里
俱虜騎出沒之處防禦維艱亦卽曩者漢武帝所
開地也○禿兒都司超胡兒等部落約有萬餘離
邊三百餘里○銀定台吉兵馬五千駐牧賀蘭山
後逼近鎮城○筆馮氣黃台吉板布台吉等下兵
馬三萬離邊約遠二百餘里駐牧○布灣台吉互
明台吉青把都台其兵馬五萬餘昔年被瓦喇殺
傷萬餘人請俺答報復日相讎殺邊人患之

榆林衛

隸陝西都司

史記秦却匈奴樹榆爲塞所謂榆溪塞卽此也亦

漢雲中都之沙南縣五原郡之南興縣地隋置勝
州煬帝復置榆林郡唐宋其名不改但時沒于梁
師都趙德明耳○志云馬神山在衛城東北二里
秋祭馬社于此紅山在城北五里山皆紅石地近
沙阜因築紅山墩其上山左峽中有水自沙漠來
從石穴流下斗落數千仞舊傳李繼遷葬其祖彝
昌處○黑山在衛城南十里水草其茂虜騎內侵
率由此駐牧我成化中始築砦堡種柳萬株以防
衝突山下黑水出馬合大川河流遶衛城○三岔
川距城南十里又東南爲扇馬溝○芹菜溝直衛

西界源自沙漠來水際常產芹菜因名○唐王維
榆林郡歌山頭松柏林山下泉聲傷客心千里萬
里春草色黃河凍流流不息黃龍戍上游俠兒愁
逢漢使不相識○九邊輯畧云榆林亦古朔力地
國初建鎮城於綏德州拍米脂魚河於外正統間
虜入河套邊患始劇小王子火節吉囊相繼稱雄
每入犯長驅無忌成化中督臣余子俊徙治榆林
遠出綏德二百里蓋倣昔開邊斥虜意也東起黃
山川西至定邊營延袤一千二百里墩堡墻臺東
西聯絡橫截河套之口內復塹山湮谷名曰夾道

地利自我收之已筭無遺策嗣後數遣大臣行邊
經畧亦只乘時脩輯而已虜酋卜失兔者吉囊之
孫也尚擁虛名稱爲套主每歲各酋聚會於神水
灘取決進止然此中軍士素稱忠勇慣戰虜人畏
憚之呼爲駱駝城人馬惟地居沙漠不堪耕種米
珠草桂自昔爲患開鎮之初芻牧取諸邊外尚稱
給足邇來虜衆環視如射隼然鎮城士馬衆多平
時已爲束手坐困一遇凶歲餓殍相望議者欲于
府谷至葭州由黃河而上造舟轉運以水道險峻
不果乃若乘時糴市廣貯糧糗以備緩急洵今日

之所當亟置者該鎮分三路自黃甫川抵建安堡
爲神木道自雙山堡抵清平堡爲榆林道自鎮靖
堡抵定邊營爲靖邊道三路俱當虜衝而西路爲
甚嘉靖初年督臣魯銑議復河套閣臣夏言居中
贊之經畧區處頗有條貫虜聞且欲轉徙會咸寧
侯仇鸞忌成誣以啓釁一臣受法誅死後遂噤不
敢言夫當銑議復之時套虜尚弱今呼群引類蔓
延克斥愈難爲力頃聞試闡射策甚言河套不宜
復卽復亦難守因噎廢食其喻良然不知黃河自
寧夏橫城繞八虜地至山西老牛灣方入中國沃

地千里與關中郊圻相接卧榻之內豈容犬羊斲
駟况畫河而守每年喫緊祇在冬春四閱月調移
兵馬分布防範自有餘力豈憂難守哉祇恐復之
之不易耳且河套松山皆關隴要地頃者大小松
山復爲我有其固臨洮三鎮咸利賴之惟套久不
歸深可歎惜今特詳始末以俟來者 國初設東
勝衛于套北又設延綏鎮于套南藉如帶之河相
爲犄角與雲川玉林衛所聲援聯絡以故關陝晉
雲之間晏無虜警套地長幾二千里橫數百里界
在延慶二郡之北卽古朔方周命南仲城之獫狁

于襄者也秦取匈奴河南地勢益強盛漢武帝鞭笞四夷置朔方郡以斷匈奴右臂唐初築三受降城于河外爲套地扞蔽設烽燧千八百所匈奴突厥不敢南牧今東勝衛卽東受降地也正統以來東勝失守虜始踰河入套初但圍獵而去至小王子火篩始稱雄而窟穴其中矣火篩之後套酋吉囊最強南犯榆林則關陝戒嚴東犯偏關則晉雲驚擾夫唐築三城能遏虜於河外今拒河爲守尚不能支虜得橫搃套內長驅突犯形勢日蹙邊患彌劇不知所究竟矣成嘉間威寧伯王越毅然剴

除功未成而中廢令人尚有遺憾嗣後魯銑懷旣任事卒至殺身豈不哀哉萬曆十八年寧夏遊擊金城者建造四艘蓄健兵器械于其中乘黃河泛漲之時自橫城順流而東月餘至山西老牛灣始還頗有斬獲兩岸虜騎聚觀矢石莫之敢近邊方內外共竒其功夫復套搜套籌邊之士言之詳矣未有言水路乘舡者此亦可備恢復之一策云○靈寶許論邊鎮畚論曰榆林四望黃沙不產五穀不通貨賄一切芻糧皆仰給于腹裏迨我弘治間布政文貴奏改西安延慶三府本鎮之稅爲拋荒

陝西各州志卷之十一
折色者二萬餘石正德中侍郎馬清又改三府本色自是軍食用窘因有米珠草桂之謠况所募新軍未增糧糗尚于額內支給加以邊邑凋敝災傷告免及拖欠浸淫百有餘萬焉得不窮困至極也嘉靖七年大侵糧運不給餓莩盈萬言之痛心嗚呼此鎮將士懷忠畏法死無怨言敢勇善戰虜所畏憚徒使其枵腹不得一飽傷哉脫有點虜窺我虛弱以偏師壓境及客兵既集日費逾廣更以一軍駐魚河之地卽糧道阻絕不兩月而榆林坐困矣今之司計者不憂積薪之火猶待燃眉之救誠

寇迫門庭餽道險遠臨時雖予金如山不可食也况今鹽法已壞飛輓計失在官糴買一彌數倍戊子之歲束草價至一二錢有餘他可知矣愚故以爲論榆林者急在草糧他非所慮若本色不復則榆林之爲榆林未可知也黃河自陝州而上至綏德近境春時皆可舟行若計沿河郡縣改徵本色水陸轉輸而上亦不甚苦難至若延寧其固適中之地另設倉場以戶部官一員主之每鎮歲發鹽銀十餘萬令其糴買儲蓄以備客兵之用出入會計聽其稽核邊臣無得那移借貸倘客兵一年不

陝西各州志 卷之十一
至則有一年之積行之數年底幾饒裕視之邊方
有事而後徵兵請糧者利病相去遠矣

洮州衛

隸陝西都司

志云洮水在衛城南三十五里源出西傾山亦名
嶺臺山爲吐谷渾界沙州記云洮水與墊江水俱
出嶺臺山山南卽墊江源山東則洮水源也○寰
宇記云桓水亦自吐谷渾界流入禹貢西傾因桓
是來者矣按西傾山在衛西南二百五十里經曰
西傾之南桓水出焉又有朶的河納憐河俱在西
數百里番界與桓水入洮河北史後周明帝逐吐

谷渾得其地因置洮陽郡城在洮水之北今謂之
洪和城也治羨相縣或徙臨潭及洪和二城○志
云東隴山在衛城東番人耕墾相雜又三十里有
黑松嶺嶺多松樹其上置松嶺關又十里黑松關
又十里爲三分高樓等關皆極險要○石嶺山在
城北十五里山形勢峭拔草木不生唐置石嶺關
於此又三十爲羊撒關又城西北九十里有白石
山以山多白石因名○郡國志云秦長城在郡界
史記蒙恬所築東至碣石西入臨洮者也有鳴鶴
鎮念三足諸城俱吐谷渾時築今廢爲鎮○洮州

陝西各州志 卷之十一
古城在衛西南七十里卽徙臨潭縣時所築今爲
洮州關又南界有疊州城乃唐初析洮州之合州
置疊州者武德時柴紹將洮州吐谷渾突來圍紹
使人彈琵琶二女對舞虜相與聚觀紹潛遣精騎
擊其後虜將大潰□西平王李晟臨潭人朱泚之
難尅復京師于愬平淮蔡功居首○青海在洮水
之西周迴千餘里中有小山隋將段文振西征逐
虜於青海卽此唐天寶十三年築城置神策軍尋
廢亦卽漢平帝時王莽所立西海郡也名磨禪川
○雍大記云今衛 國初洪武十二年西平侯沐

英開設漢南部都尉所理有安西莫門二軍俱唐
貞觀儀鳳間置尋廢卽後唐及宋之保順軍也旣
乃立洮州團練使元末李思齊據之洪武四年始

附

岷州衛

隸陝西都司

岷山在衛城北山黑無樹木洮水經其下夏禹見
長人受黑王書於此岷州古城本秦臨洮城也東
漢時隴西羗反車騎將軍馬防擊平之此城遂廢
○雍大記云岷州置自西魏文帝唐時開岷州都
督府宋熙寧間改隸熙州元至元間割隸思麻

國初建衛因於岷州舊基築城一東西相連有索
西城在治東南九十里亦馬防所築一名臨洮東
城又名赤城有宕州城在治南百二十里向市茶
馬于此金人據洮遂併番市歲鬻馬數千宋馬塋
馬塋宕州人元將來攻皆不屈力戰而死有西固
城在治南四百里今爲千戶所隸衛○志云金童
山在城南里許山勢嵯峨亦名金通山○崆峒山
在城西隋唐書俱以州西有崆峒山也唐書又有
潤博山在故和政郡志云在當衛境○冷落山在
城東五十里春夏多陰晦雨雪不生草木故名又

七十里有遮陽山以日景爲山所蔽也夷門山在
其右俗名大王洞山芸叟張舜民題曰夷門山有
溪及洞俱以芸叟名其鑄石曰西溪東漚及裏石
門數字○西征錄云凡自岷州趨宕州泝水而行
稍下行大山中入棧路或百十步復出略崖嶮峩
不可乘騎必步至臨江寨得白江至階州須七八
日其所經皆使傳所不可行山水秀絕天下無有
臨江之上處當大山西望雪山日晃如銀其
高無際出衆山上居人曰北雪山佛居也此

河州衛

隸陝西都司

河州詳臨洮府下今衛 洪武三年置魯氏雜海
云乞伏仁據枹罕稱秦卽此按周地圖記枹罕漢
縣卽故罕羗侯邑也屬金城郡後魏至唐河州皆
理于此有大夏縣以大夏水而名卽白水也唐貞
觀初入枹罕其年又分河州置烏州及鳳林縣以
河側鳳林關而名○寰宇記云積石山在衛西北
七十里一名唐石山今名小積石山禹貢浮於積
石是矣又五十里爲積石關戍守之要害也金劍
山在廢大夏縣西二十里亦有金劍故城前涼張
駿曾設金劍縣于此○石門山在廢鳳林縣界注

水經云灘水又東北逕石門口山高險絕對崖如
門故峽得名疑卽臯蘭山門也漢武元符二年驃
騎將軍霍去病出隴西至臯蘭今是山去河不遠
應謂此○北史念賢枹罕人少時在學遇善相者
衆競詰之賢笑曰男兒生死富貴皆在天何用相
乎魏末熙間歷官都督秦河二州刺史○輯畧云
河洮等處西番卽吐蕃也其先本羗屬有七十二
族種類繁夥散處洮岷階文間其俗以板爲屋凡
內屬入貢者謂之熟番其餘謂之生番 國初河
洮西寧三衛各設茶馬司頒給金牌爲符每歲以

茶易馬凡四千八百餘疋中國頗得其利遇警征調有事亦藉其力但夷性匪常順逆不一非重兵宿將無以制之近北虜累次渡河侵擾內地不惟中國受害屬番亦遭殺戮故特設總兵官以備番亦防虜也

靖虜衛

隸陝西都司

後魏置會寧縣西魏之會州矣志云會川城在衛西南一百里爲金帥郭斌死節處又三十里爲祖厲城祖厲漢縣屬安定郡前涼張軌時廢唐置烏蘭縣于此按烏蘭山在衛城南百二十里祖厲河

在西南百三十里北流經祖厲城入河水唐史有河池因雨生塩卽此處也○黃河在城北一里河源遶雪山來過會州入葦靜山石峽險隘自上垂流直下高數十丈按雪山距衛城北境百二十里山勢高峻積雪不消故名與虜爲界○輯畧云靖虜衛邊外火落赤真相台吉兵馬萬餘駐牧松山離邊六百餘里常犯莊浪臨洮地方又有丙圪兔臭久假不抄大邵卜素莽喇比把什各酋亦過河來擾捏莽二川套虜且耽耽窺伺之冬春河凍之時尤所當戒嚴也

陝西名勝志卷之十二

閩中曹學佺能始著

行都司 治甘州衛

漢以前月支地後爲匈奴所據武帝時始置酒泉
武威張掖等郡以斷匈奴右臂時號河西五郡晉
時張軌據河西爲前涼呂光繼之爲後涼及李嵩
遷酒泉號西涼沮渠蒙遜據張掖號北涼後魏始
分置西涼州西魏更名甘州唐天寶後沒于吐蕃
大中始收復宋金俱爲西夏所據理宗寶慶二年
蒙古滅夏人元世祖立甘肅路總管仍置行中書

省我 國初洪武五年宋國公馮勝定河西二十
四年置甘州衛越二年改置行都司領衛十一守
禦千戶所二又設行太僕寺與之同城○河西人
物志十篇張武孟著武孟少好獵母憂之為不食
始發憤讀書記問淹博仕至右臺御史唐神龍初
張掖人

甘州衛 左右中前後凡五 俱附郭

漢張掖郡取張國臂掖之義後又置屬國都尉以
主蠻夷降者後魏于張掖郡分置西涼州西魏改
今名以城西南有甘浚山矣寰宇記云甘浚山一

名緝峻山註水經以張水歷緝峻山南與張掖河
合卽鮮水也亦名合黎水南自吐谷渾界流入禹
貢導弱水至于合黎餘波入于流沙按西域傳弱
水在條支自長安西行萬二千里又百餘日始至
流沙者居延海是也○志云張掖河在司城西十
里又城北二十里有橋北津弱水流沙之處掖河
西岸有泉數十處俱生蘆草飼秣資焉其西有都
瀆澗又西有蓼泉沮渠蒙遜與西涼交鋒于其上
○居延海在西北界渡張掖河至黎口峽傍河東
塢曲屈行千五百里始達○合黎山一名要塗山

在城北人祖山在城東各去四十里皆不毛之地
又五里為人祖山谷○馬蹄山在城南百里巖石
上有神驥足跡至今存又有臨松青松丹霞二砦
○晉永嘉中張掖臨松山有石如張掖字後掖字
漸滅張字分明又有文曰初祚天下四方安萬年
後魏置臨松郡在此山下吐蕃贊普即其郡異稱
也○通遠山口在城南八十里又十里為順化口
又十里為宣化陽化和寧諸口又二十五里為大
小慕化口又二十里為洪水口又城西南有大小
磁窰山口各去七十里已上諸口皆通祁連○祁

連山在城西南百里本名天山匈奴呼天為祁連
故名西河舊事曰祁連山在張掖酒泉二郡界產
松柏五木羨水茂草山中冬溫夏冷宜放牧牛羊
充肥乳酪醲好炎夏瀉酪不出器物刈草着其上
不解散作酥特好一斛酪得酥斗餘又有仙樹人
形山中饑渴者食之則飽不得持去漢書霍去病
攻祁連山得胡虜首三萬餘級即此處也有石井
出祁連山下石洞中四時不竭○居延城在張掖
東北漢居延縣武帝使路博德築遮虜障于其地
李陵戰敗與士卒期至遮虜障即此矣袁氏故城

陝西通志卷之十三
亦漢縣在其西北或謂之昭武城按張掖水亦謂之覆袁水隋書煬帝巡幸河西至浩疊吐谷渾伏允帥衆保覆袁川是也○千秋萬歲二城皆光武將竇融所築以控邊夷又有駢馬戍者老云昔人駢馬二疋爲匈奴掠去數載自還因立戍於此○輯畧云甘州衛邊外真相台吉火落赤台吉兵馬萬餘駐牧青海地方離邊約二百里切近西寧莊涼等處不時入犯東南過河則臨洮戒嚴

肅州衛

在都司城西五百里

我 洪武初宋國公兵至河西元肅州路守臣掠

其人馬遁去沙漠遂置今衛蓋昔月支之地爲匈奴所滅令休屠毘邪王守之漢武時毘邪率衆來降以其地爲武威酒泉郡郡乃羗胡通譯之路入月支大夏皆由此也漢以公主妻烏孫王而分匈奴西方之援卽其地前涼張軌西涼李暠北涼沮渠蒙遜並都之後魏太武平沮渠牧犍分置瓜州仍立酒泉郡于此初屬甘州隋大統中分甘州之福祿縣置肅州河西舊事云福祿城謝艾所築城下有金泉味如酒故曰酒泉□按金泉在今衛下古酒泉也又有金河高居誨使于闐記云甘州西

五百里至肅州渡金河西百里出天關唐李益詩
鴻鴈新從北地來聞聲一半却飛迴金河戍客腸
應斷更在秋風百尺臺○漢書金日磾休屠王子
沒入宮武帝竒之拜爲侍中賜姓金氏與大將軍
霍光同受顧命晉書祁嘉酒泉人清貧好學教授
門生拜床下者至二千餘人夜忽聞窓中有聲呼
云祁孔賓隱去來嘉字孔賓○寰宇記云呼蠶水
一名潛水亦名羗谷水俗謂之福祿河西南自此
谷渾界流入漢地理志呼蠶水出南羗中東北至
會水入羗谷會水一名白亭水十三州志云衆羗
之水所會故曰會水北有白亭俗因謂之白亭海
也○白亭海在衛東北三十里西南有五澗谷水
流入以水潔白故名有天生橋覆之水流地下人
行于土宛似橋梁不假人力○清水河在衛城北
沙河在衛城東各四十里俱流入計來河距城北
一百里源出雪山流二百里注于黑河○漢地理
志黑水出張掖縣鷄山與紅白二水合按黑水在
衛城西北十五里經黑山下穆天子傳天子循黑
水至於璧王之山卽此水矣白水在城西南二十
里紅水在城東三十里璧王山今名王石山一名

嘉峪山在城西七十里有嘉峪關 國初畫此爲
界置燉煌地于外築哈密城使番酋守之以捍其
肅成化間哈密失守遂喪藩籬○衛東南六十里
崆峒山史記黃帝披山通道西至於崆峒者也九
州要記云涼州武威郡有天山昔黃帝受金液神
丹于此近崆峒山頂有魏太祖塿○崑崙山在酒
泉縣西南百八十里前涼張駿詢太守馬岌曰酒
泉南山卽崑崙之體也昔周穆王見西王母樂而
忘歸其山有石室玉堂珠璣鏤飾煥若神宮禹貢
崑崙在臨羗之西此爲明矣宜立王母祠以禋朝

西王母之福駿從之考漢書平帝時金城塞外羗
獻魚塩之地遂得西王母石室卽此○九隴山在
城南二百里周地圖云昔有仙人坐張掖西方山
上射酒泉郡西金山之日神射得九籌畫此山上
遂成九隴因以爲名○又云酒泉出石漆在延壽
城中有山泉出注地其水肥如肉汁燃之似油極
明但不可食北方人謂石漆得水愈熾本此又有
石塩出獨登山巖石上其味美于海塩又有赤彈
木出金山堪爲漆用○治南劉師祠出珠丹師字
薩訶沮渠時人西求仙圃至此卒嘗化爲珠其血

皆丹門人因之立廟辦至心者謁之往往獲珠丹
焉○志云曲尤城在衛西臘脂城在衛北瓜州城
距衛城西五百餘里唐張守珪刺郡時虜奄至衆
皆失色守珪置酒城上會諸將作樂虜疑有備引
去守珪因縱兵擊破之有宜禾城在其西北漢宜
禾都尉治苻堅徙江漢人萬餘戶於此後魏明帝
僞立會稽郡○王門縣在衛西北十八里縣長三
百里石門周匝山間裁徑二十里衆泉流此入延
興界漢罷王門關徙其人以居之故名班超出西
域願生入王門關卽此也○沙州城在衛治西八

百餘里卽漢武帝所置燉煌郡也晉張軌據此置
高州其後梁武昭王都之唐改沙州 國初置衛
正統間徙其衆于內地但名存耳有鳴沙山在其
城南七里一名沙角山天氣清明沙鳴于城內故
名又十餘里爲三危山卽舜竄三苗禹導黑水之
處○龍勒山在衛治東百里漢龍勒縣以此名後
魏改壽昌縣有渥洼水在其境漢元鼎四年天馬
生于渥洼者也又有北塞山漢匈奴傳天馬朝發
京師夕至燉煌北塞卽此壽昌西六里有陽關昔
都尉治漢揚雄傳西北一候卽此唐王維詩西出

陽關無故人○考甘肅一鎮番虜雜處三面受敵獨迤東一面由蘭州過河通省會二千里而遙襄者松山未復賓虜爲梗往來一綫之路幾于斷絕今始爲坦途矣曩昔虜犯必由賀蘭山後而入來去有時聲息可以預知自亦不刺竄居青海嗣是火落赤真相台吉賓兔着力兔等相繼竊入而自北流來之虜每呼群引類如水赴壑蓋河西川原遼曠水草豐茂虜所垂涎至卽戀爲窟穴該鎮每奏斬獲皆零星流虜而已邇時邊臣以微功爲戒將士不敢出塞賊益橫行無忌恐從此流來日衆

虜勢日強卽諸番亦拆而從虜矣日今松山雖復虜酋未殄土魯番雖貢无刺尤強此當事者所憂也○九邊圖論云哈密北肅藩籬諸番之領袖也成化以來陷于土魯恢復之議至勤累朝顧在今日有難者二當緩者四不可例以往日何也哈密累敗之餘喪亡畧盡譬之墜死之人身不自持縱令復國豈能固守此一難也恢復之計曉諭不從必煩聲討虛喝謾恐難以震動試言今日可復能爲先襄毅深入之事乎此二難也往建哈密以其能制諸夷爲藩蔽也今尚能乎立之何益是故哈

密者昔爲要區今爲散地盛衰之會強弱之形異耳當緩一也哈密轉徙之衆已長子孫身事讐國遺我以難是彼無共天之義我有同舟之急此何爲乎當緩二也累朝以哈密之故勞費萬狀論議無已是以夷人視之爲奇貨以爲中國一日不可無哈密也今日索金幣明日求進貢今日送金印明日還城池譬之以果啗兒舞弄在手假令自今不復言哈密恢復事彼將何爲乎以爲將遂有哈密也則豈待中國棄之而後取之以爲不能則哈密猶舊也况閉關絕貢尤可以制諸夷之命乎當

緩三也赤斤蒙古安定曲先等衛亦皆中國藩蔽赤斤破于土番安定破于海賊何不聞爲彼恢復而切切于哈密乎當緩四也審于六者之間則哈密應否當復圓機之士必當有以破衆說矣至于亦不刺者迤北逋寇盤據西海吞并屬番爲西南患頃歲已許內附尋因其敗弱而棄之頗爲失計何也其肅之患北虜倏去倏來南番坐守之夷耳惟土番兩犯其肅大肆荼毒漸不可長若收海上之虜置之哈密近境結以恩德西制土番北制瓦刺此千載一時也倘有成績卽令職西域之貢何

所不可議者祇恐別生事端而不思遠地無虞祇云夷心叵測而不知窮虜易用視今日自西海散處河岷何如邪矧以虛糜收實用借虜地爲干城得失利害不較可知又今河西敝矣二千里內計丁一萬七千耳防守不設耕種難也累遭殘破生聚難也腴削無已休養難也是故人益貧口益耗食益歛兵益弱而屯田益不興矣近日差官添築新堡廣招佃種夫豈有舊堡未充而更能實新堡者乎豈有不設防守而勤遠耕者乎豈有將不休養而人得生聚者乎如李淮之議曰欲將見堡量給以馬無事令其瞭望而耕耘有事得以聯絡而馳逐拯溺救焚此其近策之可行者也因著論如左

山丹衛

在都司東西百三十里

漢刪丹縣也界內山土多紅故名○衛東南百里有焉支山亦名刪丹山西河舊事云焉支山東西百餘里南北二十里上有松柏五木其水草茂美宜畜牧與祁連山同匈奴失祁連焉支二山歌曰亡我祁連山使我六畜不繁息失我焉支山使我婦女無顏色唐哥舒翰建有神祠于山麓天寶間

陝西名勝志 卷之十三
封山神爲寧濟公○志云花門山在城北三里居延海在城東北五里○南草湖在城南西草湖在城西各去十里石峽口在城東八十里兩峰相對下有石井故名紅白鹽池在城北五百里○城東南有髮塔寺我洪武初築城址得鍊佛五香爐一石函一函內有髮爐上刻髮塔寺三字又有紅山寺在城北二十里

未昌衛

在都司東南
三百十里

元末昌王宮殿在焉本漢之蒼松縣也後梁改爲昌松○寰宇記云金山在昌松故城南去今城北

二十里麗水出焉又有青松山在衛南八十里亦名大黃山瑞獸山蓋一山而連跨數處○麗水一名烏逆水漢地理志烏亭逆水出金城郡允吾縣之叅街谷東流至枝陽入湟卽此水也周地圖云允街漢縣故城臨麗水一名麗水城允音況其城地勢極險沮渠蒙遜增築以爲防守之所○寰宇記有鸞鳥城傍山而砌卽因山以立名其山有鳥形似雀見人卽以嘴啄石自圖其形以示人○水磨川一名雲川源出鸞鳥山之平羗腦兒都山口水勢洶激能轉水磨故名又六十里有考水河及

西南三十里之煖泉俱東北流入磨川又城東南西南各有水關一俱在城外諸山口○雪山一名白嶺山在衛西南界山頂冬夏積雪望之皚然寒氣異於餘處鳥飛不下與涼州南山相運絡蹇占口澗發源于此

涼州衛

在都司東南五百里

釋名西方寒涼又以河上田薄故曰涼也涼州漢元鼎間置亦卽武帝之武威及昭帝之金城郡矣漢書太初二年武帝遣浚稽將軍劉敬奴將二萬騎擊破匈奴因立武威郡今有浚稽山在武威廢

城北○地里志曰武威郡治姑臧縣王隱晉書云此城匈奴所築舊名蓋臧城後人語訛爲姑臧西河舊事云漢末建安初州邑大擾而河西獨安姑臧稱爲富饒○魏太武帝勅其太子曰姑臧城東西二門外湧泉合於城北其大如河自餘溝渠流入漠中其間乃無燥地○姑臧廢城在今衛城東北二里臧南山在姑臧西南百二十里冬夏積雪不消亦名雪山魏書姑臧城南天梯山上冬有積雪深至丈餘春夏消釋下流成川地理志云南山谷水所出北至武威入海行七百九十里○武威

城內有沮渠蒙遜所造七級木浮圖故名七級城
又卧龍城即郡城之異名也檀道鸞築土以造若
盤龍狀四隅有頭尾兩翅一名鳥城劉昫燉煌實
錄云晉安帝隆安元年五月涼州牧李暠微服出
城逢一虎在道邊因化為人遙呼暠為西涼君暠
遽彎弧待之又遙呼暠曰汝無疑也暠知其異乃
投方於地虎人仍前謂暠曰燉煌空虛不是福地
君之子孫王於西涼不如遷徙酒泉言訖不見未
幾暠移都酒泉○鷓陰城在衛治東鷓水名漢鷓
陰縣也今廢城存有七里澗距城東七里又四十

三里為紅泉以水作緋色故名○龍夷城在衛治
西即漢戊巳校尉所理戊巳言在內以御統四方
也王莽之西海郡矣又西二十里為蓮花峰峰下
有五石紋如獸形遠望復如蓮花○十六國春秋
云靈泉池在南城中張玄靖五年有大鳥青白色
集於池上舒翼二丈餘後涼呂光宴群寮於池上
酒酣與參軍段業語及政理端尚嚴峻業曰柰何
以申韓之末法臨道義之神州乎光改容謝之又
有天梯山去城南八十里○休屠城在衛治北休
屠王所居之地禹貢至于瀦野是也今名屠野澤

陝西各縣志 卷之十一 三
有青巖巖下吐湫甚廣人觸之風雷立至有第五
山清泉茂林懸崖石屋隱者所居有靈鈞臺晉明
帝時張茂洽姑臧所築○大雪寺在城東北唐景
雲間建○尹臺寺見岑參涼州詩云胡地二月半
梨花今始開因從老僧飯更上夫人臺清唱雲不
去彈絃風颯來應湏一倒載還似山公回○劉林
臺在城西比漢竇融築本名竇融臺我 國初百
戶劉林與虜戰死其下忠節爲人所思易今名○
樂府有涼州詞遠遊武威郡遙望姑臧城車馬相
交錯歌吹日縱橫蒲萄美酒夜光杯欲飲琵琶馬

上催醉卧沙場君莫問古來征戰幾人回黃河遠
上白雲間一片孤城萬仞山羌笛何須怨楊柳春
光不度玉門關鳳林關外水東流白草黃榆六十
秋邊將皆承主恩寵無人解道取涼州已上爲魏
子昇王翰王之渙張籍諸人作之渙卽唐詩紀事
所云教坊少女最末歌其一篇者

莊浪衛

在都司東
百五十里

元之莊浪縣也 國初縣廢始置衛衛城西有河
源出分水嶺南者爲莊浪河北爲古浪河○東山
在衛城東一里又東北三十里有石佛山○松山

陝西各縣志 卷之十三
在衛東百二十里山多大松又東北一百里有小
松山又西北百二十里有葡萄山與雪山相距大
通河所逕○輯畧云松山東阨黃河北阻賀蘭西
亘莊羗南綴蘭靜延袤千餘里號爲沃壤隆萬之
間款貢日久招致虜酋賓兎族屬盤窟其中時肆
侵掠內地削棄僅存一綫萬曆二十六年撫臣田
樂鎮臣達雲招集夷漢健丁遠出塞外大加剿殺
虜衆聞風遁散尅復大小松山建堡築城屯戍相
望乃割蘆塘等處屬固原紅水河三眼井等處屬
臨洮阿壩嶺大靖城土門兒等處屬甘肅自黃河

索起至土門山共長四百里而蘭靜莊浪千四
百里之衝邊始獲安枕矣第蘆塘二眼井地方土
踈易圯時費脩葺而舊址自鎮番直接寧夏中衛
通樹長邊以力詘未舉尚虧一篑云

西寧衛

在都司東南
三百五十里

宋曰西寧沿後漢建安西平郡之號也固隋唐之
鄯州而漢之破羗縣矣漢書西羗傳曰無弋爰劍
者爲秦所執後亡藏于巖穴中秦人焚之有景象
如虎爲其救火得免遂入三河間諸羗共神而畏
事之推以爲豪至爰劍曾孫恣季父印畏秦之威

因將其部落南出賜支河曲西數千里與衆羗絕
遠不復相通子孫分別各自為種恐及弟舞獨留
湟中恐生九種舞生十七種羗之興盛從此起矣
湟中月氏胡其先大月氏之別也及霍去病破匈
奴取西河地開湟中縣築令居塞以其地屬金城
郡於是月氏來降與漢人錯居十六國春秋南涼
秃髮烏孤都此後漢至唐皆屬西平郡上元開沒
于吐蕃始號青唐城○西寧志云萬山環抱三峽
重圍紅崖峙其左青海瀦于右雖羗胡雜處綽有
華風又其先是木渾可汗子孫故為狼種旌旗皆

有狼形俗衛稱曰附離即彼謂狼也俗左衽射袴
不開褶又羗人多祈女因有養女嶺云○寰宇記
云湟水一名樂都水後魏樂都郡隋湟水縣以此
名湟水發源牛心堆經四望山陽東至允吾縣入
河有浩疊水又名閣門水自西塞外東至允吾縣
入湟有峽口山在其城東地極險阻為鄯鄯往來
咽喉地漢時謂之湟陜唐人嘗修閣道于此宋置
省章城控制要害又名綏遠關其地有牛心堆即
湟水發源處唐書列傳李靖伐吐谷渾敗其師于
牛心堆是也○志云西寧河在衛城北百步源出

熱水山山在衛西南五百里山南出煖水流入青海西北出冷泉卽西寧河源也西海方數百里有魚無鱗背負黑點漢平帝時王莽諷卑禾羗獻地置西海郡于此俗呼青海○積石山在衛境廢龍支縣南卽禹貢導河積石者也黃河在衛東南五百里西寧河合伯頰川至衛城又與那孩川合注之○龍支本漢允吾縣地後魏武帝置金城縣廢帝改龍支縣以縣西龍支谷爲名谷中有唐述窟高四十丈其窟有物若似今書卷謂之精巖巖內時見神人往返蓋古仙所居耳羗胡懼而莫近又以鬼爲唐述故指此中爲唐述窟○輯畧云衛設萬山之中漢土番夷雜居耕牧東至河州南至緱德西至青海北至毛家山邊墻設有巴海等一十三族各授官頒印中納金牌茶馬故衛西置有茶馬司自正德七年虜亦不剌阿尒禿斯二酋占據青海將安定等四衛併臨近深藏等番夷槍殺散亡見在臨番巴哇等八番頗守法度遞年中馬貿易率常其巴沙冬沙寫爾思阿思箇等族倚憑山險或搶掠行旅或攻打莊寨至無虛日先年調集兵馬剿捕後頗安靜近年又復爲惡雖遣撫夷官

陝西各縣志 卷之十三 其
禁諭跳梁如故倘不早爲處治夷性犬羊尤而效
之日益滋蔓非細故也

鎮番衛

在都司東五百五十里

洪武間置轄左中千戶所二元之小河灘城也小
河自涼州五礪谷來在衛南十五里○志云張掖
河源衛城西四里黑河是有黑山關在西南六十
里又十里爲紅崖子土色皆赤故名又迤北四十
里有來伏山其山脊高首俛如拜伏狀○治東有
新中沙池西有鴛鴦池小白池南有三壩池西北
有小白池井俱產鹽○舊經云蘇武山在衛東南
三十里俗傳蘇武牧羝處雍大記曰西北拱來伏
之岫東南峙于卿之山謂此也

高臺守禦千戶所

在都司西南一百六十里

漢樂涪縣王莽之樂亭矣前梁置建康郡距今城
西南四十里元魏屬甘州張掖郡自宋元後其城
荒廢 國朝正統間張掖人劉寬建言于甘州衛
西南境立千戶所曰高臺者以其地稍高控扼戎
虜之要衝也

古浪守禦千戶所

在都司東南六百四十里

唐和戎城也古浪水名流遶關城其地東至扮沙

陝西名勝志 卷之十三
西連武威南界黃河北抵煖泉廣袤四五百里領
百戶所十

鎮夷守禦千戶所

在都司西
北三百里

洪武二十九年置于黑河之北後爲河水衝決天
順間始移今所其地東抵高臺西接酒泉南距番
夷北隣胡境廣袤二三百里領百戶所十

陝西名勝志卷之十三 終





